

अथो परैव भवति । अथ देवा ऊर्ध्वं पृष्ठेभ्योऽपश्यन् ।
तउपपक्षावग्रेऽवपन्त । अथ श्मश्रूणि । अथ केशान् ।
ततस्तेऽभवन् । सुवर्गं लोकमायन् । यस्यैवं वपन्ति ।
भवत्यात्मना । अथो सुवर्गं लोकमेति ॥ २ ॥

अथैतन्मनुर्वस्रे मिथुनमपश्यत् । स श्मश्रूण्यग्रेऽवपन्त ।
अथोपपक्षौ । अथ केशान् । ततो वै स प्राजायत पूजया
पशुभिः । यस्यैवं वपन्ति । प्रपूजया पशुभिर्मिथुनैर्जा-
यते । देवासुराः संयत्ता आसन् । ते संवत्सरे व्यायच्छ-
न्त । तान् देवाश्चातुर्मास्यैरेवाभिप्रायुञ्जत ॥ ३ ॥

वैश्वदेवेन चतुरो मासोऽवृञ्जतेन्द्रराजानः । ता-
ज्छीर्षं निचावर्त्तयन्त परिच । वरुणपृथासैश्चतुरो मा-
सोऽवृञ्जत वरुणराजानः । ताज्छीर्षं निचावर्त्तयन्त प-
रिच । साकमेधैश्चतुरो मासोऽवृञ्जत सोमराजानः ।
ताज्छीर्षं निचावर्त्तयन्त परिच । या संवत्सर उपजी-
वासीत् । तामेषामवृञ्जत । ततो देवा अभवन् । परा-
सुराः ॥ ४ ॥

य एवं विद्वाःश्चातुर्मास्यैर्यजते । भ्रातृव्यस्यैव मासो-
ऽवृङ्क्त । शीर्षं निचावर्त्तयते परिच । यैषा संवत्सर उपजी-
वा । वृङ्क्ते तां भ्रातृव्यस्य । क्षुधास्य भ्रातृव्यः पराभवति ।